

Eqikkaaneq

Aningaasaliisartut aningaasalersuisartullu qularnaveeqqusii- nerannut aningaasaatit pillugit inatsisip Kalaallit Nunaannut atuuttussanngortinneqarnissaa pillugu peqqussut

Aallaqqaasiut

Aningaasaliisartut aningaasalersuisartullu qularnaveeqqusiinerannut aningaasaateqarfik pillugu inatsisip allanngortinneqarnissaanut peqqussutit tamarmik eqikkaanermi matumani atatsimoortinneqarput. Allannguutissanut peqqussutip matuma kinguneranik allannguutaasussat sammineqassapput:

- Inatsit nr. 334, 31. marts 2015-imeersumi § 3
- Inatsit nr. 532, 29. april 2015-imeersumi § 14
- Inatsit nr. 403, 28. april 2014-imeersumi § 14
- Inatsit nr. 1231, 18. december 2012-imeersumi § 49

Allannguutit taakku atorineqarput ilaatigut kalaallit suliffeqarfii danskit Qularnaveeqqusiinermut Aningaasaatinut ilaalersinniarlugit, tassalu aningaasanik atorniartarfiit aamma aningaasalersuinermullu piginneqatigiiffiit napparteqqinniarnarat atorunnaarsinnerallu pillugit peqqussut (BRRD) aamma aningaasaliissutinut qularnaveeqqusiinermut aaqqissuussinerit pillugit peqqussut (DGSD), Danmarkimi atuutilersut 1. juni 2015-imi.

Aningaasaliisartunut aningaasalersuisartunullu qularnaveeqqusiinermut aningaasaateqarfik inatsisitigut pisinnaatitaasutut pisussaataasutullu namminersortutut namminerisaminik siulersuisoqartutut 1. juni 2015-imi atorunnaarpoq, aningaasaatillu Qularnaveeqqusiinermut Aningaasaatinut nuunneqarlutik, taannalu Finansielt Stabilitetimit allaffissornikkut aqunneqarpoq, aamma aningaasaliisut aningaasalersuisullu matussusiiffiqineqarnissaat siumut isigisumik qulakkeertussaallugu. Piumasaqaatit arlaqartut eqqortinneqariaqarpata, Qularnaveeqqusiinermut Aningaasaatit suliffeqarfiup atorunnaarsinneranut nutaatut tapertaasinnaalissapput. Qularnaveeqqusiinermut Aningaasaatit suliffeqarfiit ilaasut tapiissutaasigut pilersinneqassapput. Aningaasaliissuteqartullu Qularnaveeqqusiinermut Aningaasaateqarfiata naliliutai Aningaasaliisut akiligassaalu, pisinnaatitaaffii pisuussaaffiilu tamarluinnaasa Qularnaveeqqusiinermut Aningaasaatinit tiguneqassapput.

Ataani allaaserineqarnerata saniatigut allannguutissatut inatsisissanut oqaaseqaatit innersuussutigineqarput.

Aningaasaliisartut aningaasalersuisartullu qularnaveeqqusiinermut aningaasaateqarfiat pillugu inatsit kingullermik Kalaallit Nunaannut atuutilersinneqarpoq peqqussutit nalunaarut nr. 533, 9. juni 2012-imeersukkut, kingusinnerusukkut allannguutitaqarluni.

Allannguutit sammineqarput Kalaallit Nunaanni pissutsinut naleqqussaataasinnaasunik ilanngussinissaq siunertaralugu.

Inatsit nr. 334, 31. marts 2015-imeersumi § 3-mut oqaaseqaatit

Aningaasaliisartunut aningaasalersuisartunullu qularnaveeqqusiinermut aningaasaateqarfik inatsisitigut pisinnaatitaasutut pisussaataitaasutullu namminersortutut namminerisaminik siulersuisoqartutut 1. juni 2015-imi atorunnaarpoq, aningaasaatillu Qularnaveeqqusiinermut Aningaasaatinut nuunneqarlutik, taannalu Finansiel Stabilitetimit allaffissornikkut aqunneqarpoq, aamma aningaasaliisut aningaasalersuisullu matussusiiffiqineqarnissaat siumut isigisumik qulakkeertussaallugu. Taamaasilluni aningaasaliisut aningaasaliissuteqartullu Qularnaveeqqusiinermut Aningaasaateqarfiata naliliutai aningaasaliisut akiligassaalu, pisinnaatitaaffii pisuussaaffiilu tamarluinnaasa Qularnaveeqqusiinermut Aningaasaatinit tiguneqassapput. Qularnaveeqqusiinermut Aningaasaateqarfik siusinnerusukkut immikkoortunut sisamanut, aningaaserivinnut immikkoortoqarfik, aningaasanik atorniartarfinnut immikkoortoqarfik, pappi-aranik nalilinnik niuernerimik sullissisunut immikkoortoqarfik kiisalu atorunnaarsitsinermut immikkoortoqarfik – Qularnaveeqqusiinermut Aningaasaatitinut atatillugu aamma taamatut ittuassaaq. Qularnaveeqqusiinermut Aningaasaatit suliffeqarfiit ilaasut tapiissutaannit pilersinneqassaaq. Taamaasilluni Qularnaveeqqusiinermut Aningaasaatit pisussaaffiinut Finansiel Stabilitet Naalagaaffilluunniit akiliisus-sanngortitaassanngillat. Assigisaanillu Qularnaveeqqusiinermut aningaasaatit taamaallat nammineq pisussaaffimminut akiliisussaassaaq.

Piumasaqaatit arlaqartut eqqortinneqariaqarpata, Qularnaveeqqusiinermut Aningaasaatit suliffeqarfiup atorunnaarsinneranut nutaatut tapertaasinnaalissapput. Qularnaveeqqusiinermut Aningaasaatit tapertaasinnaaneranut apeqqutaassaaq pisumi aalajangersimasumi Finansiel Stabilitetip sakkussat suut atorniarnera, aamma Finansiel Stabilitetip siulersuisui aalajangertussaapput Qularnaveeqqusiinermut Aningaasaatit atorneqassanersut.

BRRD-p piviusunngortinneratigut assigisaanik Atorunnaarsitsinermut Aningaasaatit pilersinneqassapput, atorrinnaarsitsinermut sakkussat aningaasalersortussaallugit. Taamatut iliornikkut suliffeqarfinnik il.il. ajornartorsiortunik atorunnaarsitsinermut atugassat, taamaasillutik siunissami ilaatigut Qularnaveeqqusiinermut Aningaasaatineersuussapput ilaatigullu Atorunnaarsitsinermut Aningaasaatineersuussallutik.

Akiliisinnaajunnaartutut suliarinninnermut taarsiullugu BRRD nutaamik periarfissiivoq, tassuunakkut qulakkeerneqassalluni aningaasaliisut aningaasaliissutiminnik sulit atuisinnaanerit, pisunilumi taakkunani Qularnaveeqqusiinermut Aningaasaatit atorunnaarsitsinermut tapertaassapput.

Nunat allamiut immikkoortortaqrifiinut imaappoq, nunami suliffeqarfiup angerlarsimaffigisaani aningaasaliisunut aningaasalersuisunullu matussusiineq Kalaallit Nunaanni aningaasaliisunut aningaasalersuisunullu matussusiineq assiginngippagu, kalaallit suliffeqarfiinut naligiissinneqarsinnaasut.

Qularnaveeqqusiinermut Aningaasaatit suliffeqarfiit ilaasut tapiissutaannit aningaasalersorneqassaaq.

Aningaaserivinnut immikkoortoqrifinnut anguniakkanut qaffasissusiliusaaq ilanngaaseereerluni aningaasaliissutit matussusikkat 1,0 procentianniit aningaasaliissutit matussusikkat minnerpaamik 0,8 procentimut allangortinneqassaaq. Taamaasilluni aningaasaliissutit matussusikkat siunissami ilanngaaseereer-neq aallaavigalugu naatsorsorneqartassanngillat. Suliffeqarfiup Qularnaveeqqusiinermut Aningaasaatit tapiissutai 2016-imiit naatsorsorneqartassapput aningaaseriviup aningaasaliissutai matussusikkat imaluunniit atugassat aningaasanngoriikkat matussusikkat, kiisalu suliffeqarfiup aarlerinaatinut ilisarnaataa aallaavigalugit.

Anguniakkanut qaffasissusiliusaaq anguneqarpat, suliffeqarfiit tapiissuteqartussaanerit unissaaq. Atugassat kingorna anguniakkanut qaffasissusiliusamit ikinnerulerpata, suliffeqarfinnut ilaasunut tapiissuteqartussaanerit atuutileqqissaaq. Aningaaserivinnut immikkoortoqrifiup aningaasaatit akiliinis-samut imaluunniit suliffeqarfinni allani kontonut nuussinissamut naammakkunaarpata, Finansiil Stabi-litet immikkut ittumik tapiissutinik akiliisitsiniarsinnaavoq, kingusinnerpaamik nappartitseqqiniaanermik suliap imaluunniit akiliisinnaajunnaarnerup atuutilerneraniit ullut suliffiusut arfineq marluk qaangiut-sinnagit. Taamaasilluni aningaaserivinnut immikkoortoqrifiup aningaasatigut atugassaasa immikkoor-toqrifiup pisussaaffiinut qaqugukkulluunniit atsikkutigiissuunissaat Finansiil Stabilitetip qulakkeertus-savaa.

DGSD-p piviusunngortinnerata kingunerissaa aningaasaliissutit arlaqartut siusinnerusukkut piffissami killiligaanngitsumi tamakkiisumik matussuserneqartarsimasut, siunissami killiligaanngitsumik matussu-serneqartarunnaassasut, assersuutigalugu meeqqanut sipaakkanut kontot, aamma inuinaat pigisaat aalaakkaasut pillugit nuussisarnerannut atatillugu Qularnaveeqqusiinermut Aningaasaatit matussusiisar-nerannut killiliisoqassaaq.

Matussusiinermut atatillugu ilanngaasiineq pisassaaq aningaasaliissutit matussusikkat, atugassat aningaasanngorteriikkat matussusikkat kiisalu pappialat nalillit matussusikkat naatsorsornerini aningaa-saliisut aningaasalersuisullu suliffeqarfimmut pineqartumut pisussaaffiini akiligassaareersuni.

Qularnaveeqqusiinermut Aningaasaatit matussusigaanissamut ilaatinneqanngitsut allattorsimaffiat annertusineqarpoq aningaasaqarnikkut suliffeqarfiit amerlanerusut ilaatilerlugit. Suliffeqarfiup pine-qartup pisortai matussuserneqarnissamut ilaatinneqannginnerat atorunnaarpoq.

Allannguutissanut siunnersuutitigut aningaasaliisut aningaasalersuisullu qularnaveeqqusiinermut aaqqisuussinermi suliffeqarfiup ilaaffigisaani matussusiinerup annertussusia pillugu paasissutissat aalajangersarneqassapput. Maanna pisisartunut siunissamilu pisisartoriligassanut paasissutissiinermut pisussaaffik atuuppoq. Aningaasaliisut aningaasaliisartullu qaammatinik pingasunik piffissaqarput, aningaasaliisutimik atugassallu aningaasangorterikkat matussuserneqarunnaartut aningaasartuutitaqanngitsumik tigusissaannut imaluunniit nuunnissaannut.

Aalajangiinerit tamaginnit soqutigineqartut, Finansiel Stabilitetip Qularnaveeqqusiinermut Aningaasaatit sinnerlugit aalajangersimasai Finansiel Stabilitetip tamanut saqqummiutissavai.

Finansiel Stabilitet Qularnaveeqqusiinermut Aningaasaatit sinnerlugit aningaasaliissutinik atugassanillu aningaasangorterikkamik sapinngisamik piaarnerpaamik akiliisinnaassaaq nuussisinnaassallunilu, kingusinnerpaamik nappartitseqqinniaalluni suliarinninnerup imaluunniit akiliisinnaajunnaarnerup atuu-tilerneraniit ullunnaat arfineq marluk qaangiunneranni. Taamaasilluni DGSD-p sunniutigissavaa taamatut akiliinissamat piffissaq ulluinnarnit 20-nit ulluinnarnut arfineq marlunnut sivikillineqarnera.

Tamatuma saniatigut aalajangersagaq akiliinissamat nuussinissamulluunniit piffissaliussap sivitsornissanut arlalinnik periarfissaqartitsivoq, assersuutigalugu inuk pineqartoq aningaasanik pinissamat pisinnaatitaaffeqarnerasoq ersarinngippat imaluunniit nunani naalackersuisut imaluunniit nunat tamalaat akornanni suliniaqatigiiffiit tungaannit killiliisumik suliniutaannut ilaasinnaammata.

Allannguutikkut aalajangersarneqarpoq Qularnaveeqqusiinermut Aningaasaatit ingerlatai pillugit Finansiel Stabilitet ukiumoortumik nalunaarusiamik tamanut saqqummiussisassasoq, minnerpaamillu ukiut pingasukkaarlugit Qularnaveeqqusiinermut Aningaasaatit perusiisa suleriaasiisalu ajoquseruminassusiannik misileraasassalluni.

Assigisaanillu aalajangerneqarpoq Finansiel Stabilitetip aningaasartuutai Qularnaveeqqusiinermut Aningaasaatinit akilerneqassasut, suliffeqarfiit ilaasut akiliutaat aqutigalugit.

Nammineq piumassutsimik aaqqissuussinernut, aningaasaliissutinut qularnaveeqqusiinertut pisortatigoortutut akuerineqarnissamik inuussutissarsiornermut ineriartortitsinermullu ministerimut kissaateqartunut piumasaqaatit allannguutikkut aalajangersarneqarput.

Maleruagassat malinneqarnera qulakkeerniarlugu paasissutissat pisariaqartutut isigineqartut inuussutissarsiornermut ministerimit aamma Finansiel Stabilitetimit piumasarineqarsinnaanerat ilanngullugu aalajangersarneqarpoq.

Kinaluunniit nalunaaruteqarnermini, naatsorsuinermini imaluunniit piumasaqaatinik matussusikkanik akilerneqarnermini paasissutissanik eqqunngitsunik imaluunniit paatsiveerussaataasunik tunniussisoq, imaluunniit § 22 malillugu paasissutissanik piumasarineqartunik inuussutissarsiornermut ministerimut imaluunniit Finansiel Stabilitetimut tunniussinngitsoq, imaluunniit paasissutissanik Qularnaveeqqusi-

nermut Aningaasaatit nakkutiginerannut atugassanik eqqunngitsunik paatsiveerussaataasunilluunniit tunniussisoq akiliisitaanermik pineqaatissinneqassaaq.

Inatsit nr. 532, 29. april 2015-imeersumi § 14-imut oqaaseqaatit

Peqqussutip qulaaniittup 334, 31. marts 2015-imeersup kinguneranik, tak. qulaaniittoq, peqqussutikkut matumuuna taamaallaat kinguneri pillugit allannguisoqassaaq.

Inatsit nr. 403, 28. april 2014-imeersumi § 14-imut oqaaseqaatit

Kingunerinik allannguinerit pineqarput.

Inatsit nr. 1231, 18. december 2012-imeersumi § 49-mut oqaaseqaatit

Aalajangersakkat pissutsit tamaasa aningaasaliisut aningaasalersuisullu qularnaveeqqusiinerannut aningaasaateqarfik pillugu inatsimmut aamma aningaasaliisut aningaasalersuisullu qularnaveeqqusiinerannut aningaasaateqarfik pillugu inatsit malillugu nalunaarutit atuutilersitaasunut ilaasut pillugit Finanstilsynetimut taakkunanillu allakkatigut attaveqariaatsimut tunngasuupput. Pinngitsoorani digitalimik attaveqarnissaq pillugu aalajangersakkat sinnerisa assigisaannik aalajangersakkat ilusilersugaapput.